

bendarum gratiâ inventa esse videtur. Essentia verò ut exaltentur, & subtiliores, ac ad penetrationem promptiores reddantur, debent destillari. Quamvis nomine destillationis aliter utantur, nonnulliq; destillationis vocabulo totam artem chymicam intelligant: hic tamen magis propriè destillationis nomen sumitur.

Quidam etiâ destillationem elevationis humidæ nomine indignant. Hanc alii aliter definiunt, ita ut quibusdam sit partium humidarum, in halitus extenuatarum, à siccis & grossis subtilitatio. Aut describunt, quòd sit operatio, quâ, quod in corpore est humoris, tum illud vaporis specie ab eo separatur, qui postea à frigido ambiente congelatus in liquorem ab excipulo recipitur.

*Ars Naturam imitatur.*

Verum esse, quod Aristoteles 4. Meteor. dicit: *μικρὴ τῆ τεχνῆ τῆ φύσιν*, id vel ex hac operatione praxeos chymicæ vulgarissimâ constat. Sicut enim vapores ex terræ radiis solaribus, in mediam aëris regionem subvecti, ejusq; plagæ cœlestis frigiditate densiores facti, in pluviam facessunt: ita & Chymicus artifex ex rebus halabilibus & vaporabilibus, ignis ministerio, tenuium spirituum à crassioribus partibus separatione, & ad frigidas capitelli cameras elevatione, essen-